

靈寶領教濟度金書卷之二百四十二

靈寶領教濟度金書卷之二百四十三 有

洞微高士開光救苦真人羅金真授

靈寶進女弘救水雨先主林曹真編

科儀立成品祈禱用

祈禱醮儀

步虛 燒香頌

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡 宇錄帝房 乘颺散景 飛騰太空

出入幽冥 遊宴十方 五雲浮蓋 招神攝風

役使萬靈 與道合真

鳴法鼓二十四通

无上三天玄元始三炁太上道君召出_臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝闡啓玄壇天帝神君當召此間土地里

域真官正神急上關啓_臣今奉為入齋意以

今陞壇設醮願得

玉清道炁靈寶妙光下降流入_臣等身中即

使玄壇清淨內外成真天无氛穢地絕妖塵

琳琅振響十方肅清萬魔不干具誠上徹今

_臣所啓速達逕御

太上无極大道至真玉皇上帝御前

請稱法位

具位_臣某與臨壇官眾等謹同誠上啓

太上无極大道虚无自然元始天尊妙无上

帝太上虚皇玉宸大道君靈寶天尊妙有上

帝萬變混沌玄元老君道德天尊至真大帝

太上玉皇大天尊玄霄高上帝紫微中天北

極大帝勾陳上官天皇大帝玉清真王長生

大帝東極青華大帝東華上相青童道君西

靈金母丹皇道君九天生神上帝五靈五老

上帝三十二天上帝太陽炎光鬱儀帝君太

陰皇華素曜元君五方五德星君南辰六闕

延壽星君北極九府延生星君周天二十八

宿星君泰玄樞機三省列相天君天地水三

官帝君北極四聖真君靈寶五師真君九天

諸司真君九天監生司諸位真君天曹諸司

真君天曹掌爵位案仙官十方飛天神王三
天門下三元真君上章詞表靈官三洞四輔
經錄法科諸省府司仙靈官君將吏本請將
佐護道監壇將吏五嶽五天聖帝東嶽府掌
功名掌爵祿曹僚案掾官吏地府鄧都大帝
水府扶桑大帝本派祖玄真師經籍度師真
人州縣城隍司主者當境土地木家司命六
神三界應感一切威靈臣聞職履職載潛凝
崇蒿之中分陰分陽默運權衡之內微妙而
上極無上希夷而高拱彌高道先彌綸赫赫
金書之耀景靈光洞煥昭昭玉宇之開玄有
感斯通無文不立臣等慶緣宿際昌運欣逢
探囊中紫鳳之書矢心精進究肘後蒼虬之
蘇勵志脩持凡有飯粒敢忘數告今醮官其
歲天激越舉帝勳渠萬里閱關官守期膺於
帝闕數旬策役業願選於天朝將指日以
登程合扣時而就道爰陳頌藻庸馨萬美伏
望卑聽不遺蓋高無外珠幢翠葆威蕤飛下
於紫庭羽蓋霓旌縹緲垂遊於碧落千真翼
乘三界侍軒共歎萬一之忱式副再三之禱

臣不勝激切願望之至再拜奉迎
聖駕

請聖 初獻

重稱法位

具位 臣某與臨壇官衆等謹重誠上啓

三清上聖十極高真圓宮之帝后仙真洞府
之曹僚主執醮筵內外一切真靈臣聞玉緯
森羅共稟清微之令金經輝燁均垂碧漢之
光文班則宰輔公卿武列則陣軍將帥精誠
天上職應人間子奪升沉允藉先人之隱德
疾遲遠近須懸宿世之陰功本雖人謀實由
天就今醮官其兩儀賦質四象流形勵志翻
雲富詩書於筆下潛心捨芥飽學問於胸中
期乘入選之良速證出官之便仰惟熙朝之
選舉每搜廣野之賢良非惟御政以牧民抑
望施仁而惠下迢迢萬里戚戚一家慮刑囚
的劫乃之臨命身與火宇土計羅之守運限
災衰易致願望難從又恐前生今生始劫終
劫六根流蕩十業紛紜人我山高弗念視人
而猶己是非海濶惟知利己以妨人或處事

而設危機或臨刑而用重典慈書五帝各紀

三官致爵祿之未尋俾功名之尚鬱修齊行
道庸請命於玄虛燒香誦經希流恩於紫禁
凡諸過悞悉賴赦原為監領於懸祈即圓成
於職任敢憑青牘庸染朱毫具有詞文謹當
宣奏

宣詞

詞文已露帝聽迪知黍稷非馨昭皇皇而日
監茅茨不剪耀赫赫之時歌伶華奏九成之
音符寶擁千官之仗龍煙繚繞鳳炬輝煌現
聽自民願頌克誠之享禍福由己期殫庸敬
之忱百拜屏營一心激越臣不勝虔切俟命
之至

亞獻

重稱法位

具位 臣某與臨壇官衆等謹重誠上啓

三清上聖十極高真圓宮之帝后仙真爵祿
之曹僚主執三界內外一切真靈臣聞無聲
無臭之天每監觀於下其不識不知之地惟
通感於上玄故凡陽職之崇卑率自陰班之

升降令醮官其趨朝志切問道心堅懺罪罪
 消已拜紫宸之惠祈恩恩決更希希蓋之慈
 伏願厄難潛消福禧昭被播登有茂素南國
 而趨上都涉水登山朝帝鄉而辭故里即入
 熙朝之公選姑為輔郡之早官三載自虞跡
 部尉而升州縣九遷有喜由僚佐而進參樞
 內陞八座之榮外領十道之貴高牙大纛著
 緯績於祈常相圭衮蒙垂元勳於竹帛光榮
 宗祖昌大門閭厚德充周享五世四功之盛
 陰功昭著表一家九相之崇垂裕後昆流芳
 先慶次願閭家長幼均介著登舉室老倪悉
 膺純嘏朝夕常聞於樂事夙宵惟耀於歡聲
 景星卿雲為澄清其步武光風霽月伴濯沐
 其精神枕簟無虞簷櫺有暇蒙賜如天之福
 允臻扣地之祈上願洞輔光明經法流演日
 星炳耀雨露沾濡草木順成五穀有豐登之
 喜山川輝潤百昌無疵癘之憂澤禽獸以生
 金溥蟲魚之樂育沉沉冥路無哭夜之悲聲
 寂寂憂關有乘晨之樂意仁周宇宙惠遍堪
 輿不勝虔懇之至

終獻

具位臣其謹重誠上啓
 三清上聖十極高真圓穹之帝右仙靈爵祿
 之曹僚主執三界內外一切真靈臣聞事天
 以實獻酬已罄於三周饗帝必誠奏對幸殫
 於一念天人稱慶幽顯交歡以今月浹河澄
 風微漏永前瞻翠節將返景於清虛後臨珠
 幢且回光於碧漢萬聖戒嚴而復位群真疑
 蹕以旋班臣等控挽無從瞻依徒切仰蒼蒼
 之在上雲歛霄衢企奕奕以居中煙橫輦路
 不勝依戀望恩之至謹稽首再拜奉送

回輶頌

存神燒香

香官使者左右龍虎君侍香諸靈臣當今臣
 設醮行道之所自然生金液丹碧芝英百靈
 眾真交會在此香火爐前臣學道得道求
 仙得仙臣獲福爵祿咸亨十方仙童玉女
 侍衛蘭煙傳臣向來所啓速速運御
 太上無極大道至真玉皇上帝御前
 寶華號引出

焚燎

靈寶領教濟度金書卷之二百四十三